

Na osnovu člana 79. stav (9) Zakona o osnovnom odgoju i obrazovanju („Službene novine Tuzlanskog kantona“, broj: 9/15) i člana 104. stav (11) Zakona o srednjem obrazovanju i odgoju („Službene novine Tuzlanskog kantona“, broj: 17/11 i 9/15), ministar obrazovanja, nauke, kulture i sporta Tuzlanskog kantona, donosi

## **PRAVILNIK**

### **o izmjenama i dopunama Pravilnika o uslovima, kriterijima i postupku zapošljavanja u javnim ustanovama osnovnog i srednjeg obrazovanja na području Tuzlanskog kantona**

#### **Član 1.**

U Pravilniku o uslovima, kriterijima i postupku zapošljavanja u javnim ustanovama osnovnog i srednjeg obrazovanja na području Tuzlanskog kantona („Službene novine TK“, broj: 9/15 i 10/15), član 8. mijenja se i glasi:

#### **„Član 8.**

##### **(Bodovanje kandidata po osnovu radne obaveze)**

(1) Radna obaveza u smislu ovog pravilnika boduje se kandidatima koji su u periodu od 18.9.1991. do 23.12.1996. godine bili angažovani u radnoj obavezi, odnosno kandidatima čiji su roditelji u istom periodu bili angažovani u radnoj obavezi, sa 10% od ukupnog broja bodova koje je kandidat ostvario po osnovu radnog staža ili čekanja na posao, i to za cijelo vrijeme provedeno u radnoj obavezi, pod uslovom da je angažovanje u radnoj obavezi trajalo najmanje 24 mjeseca.

(2) Kao dokaz o ispunjavanju kriterija za bodovanje iz stava (1) ovog člana kandidati dostavljaju uvjerenje izdato od nadležnog organa za pitanja evidencija iz oblasti vojne obaveze kojim se potvrđuje raspoređivanje u radnu obavezu, te uvjerenje izdato od poslodavca kod kojeg je lice bilo angažovano u radnoj obavezi koje obavezno sadrži podatak o periodu trajanja i angažovanja u radnoj obavezi.

(3) Kandidati čiji su roditelji bili angažovani u radnoj obavezi, pored dokumentacije iz stava (2) ovog člana, dostavljaju i odgovarajući dokument kojim dokazuju srodstvo sa roditeljem koji je bio angažovan u radnoj obavezi.“

#### **Član 2.**

U članu 20. stav (5) briše se.

U istom članu stav (11) briše se.

Dosadašnji stavovi (6), (7), (8), (9), (10), (12) i (13) postaju stavovi (5), (6), (7), (8), (9), (10) i (11).

#### **Član 3.**

Član 25. mijenja se i glasi:

#### **„Član 25.**

##### **(Primjena drugih propisa)**

Na pitanja koja nisu regulisana ovim pravilnikom primjenjivat će se odgovarajuće odredbe važećih propisa iz oblasti osnovnog i srednjeg obrazovanja koji se primjenjuju na području Tuzlanskog kantona, kao i odredbe drugih propisa relevantnih za odgovarajuću primjenu ovog pravilnika.“

#### **Član 4.**

Ovaj pravilnik stupa na snagu danom donošenja i bit će objavljen u „Službenim novinama Tuzlanskog kantona“.

**BOSNA I HERCEGOVINA**  
**Federacija Bosne i Hercegovine**  
**TUZLANSKI KANTON**  
**Ministarstvo obrazovanja, nauke,**  
**kulture i sporta**  
**Broj: 10/1-02-030052/15**  
**Tuzla, 25.12.2015. godine**

**MINISTAR**  
**mr.sci. Zlatan Muratović, s.r.**